


Հ Ա Շ Վ Ե Տ Վ ՈՒ Թ Յ ՈՒ Ն

ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1.	Անունը, ազգանունը. Արմեն Ղազարյան
2.	Զբաղեցրած պաշտոնը. ՀՀ ՏԿԶՆ միգրացիոն ծառայության պետ
3.	Գործուղման վայրը և ժամկետները. 2019 թվականի մարտի 12-14
4.	Հրավիրող կողմը. ՄԱԿ ՓԳՀ
5.	Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը). Արևելյան Եվրոպայում ապաստանի համակարգերի որակի նախաձեռնության բարձր մակարդակի տարածաշրջանային համաժողովին մասնակցելու նպատակով
6.	Քննարկված թեմաները. Համաժողովի ընթացքում քննարկվել է Արևելյան Եվրոպայի վեց երկրներում՝ Ուկրաինայում, Բելառուսում, Մոլդովայում, Վրաստանում, Հայաստանում և Ադրբեջանում, ապաստանի համակարգերի զարգացման հետ կապված հարցեր: ՄԱԿ ՓԳՀ-ի ապաստանի համակարգերի որակի նախաձեռնությունը մեկնարկել է 2013թ-ին, ինչից հետո այս համաժողովն առաջին բարձր մակարդակի հանդիպումն էր, որին մշտապես նախորդել են աշխատանքային բնույթի հանդիպումներ: Համաժողովի երեք հիմնական թեմաներն էին արդար և արդյունավետ ապաստանի ընթացակարգերի բաղադրիչները, ազգային անվտանգության պաշտպանությունը՝ առանց փախստականների պաշտպանության խաթարման հետ կապված հարցերը, ինչպես նաև ապաստանի համակարգերի «մարդկային չափումը»:
7.	Հանդիպումները, ելույթները, բարձրացված կամ քննարկված հարցերը. Այցի ընթացքում վեց երկրների պատվիրակությունների ղեկավարները աշխատանքային ճաշ ունեցան ՄԱԿ-ի փախստականների հարցերով գերագույն հանձնակատարի տեղեկալ Վոլկեր Տյուրկի հետ, որի ընթացքում բարձրաձեռքի մերժում ստացած ապաստան հայցողներին ծագման երկիր վերադարձնելու հարցը: Ներկայում այդ գործընթացի համար նախատեսված միջազգային մեխանիզմը գործում է Միգրացիայի Միջազգային կազմակերպության հովանու ներքո (Աջակցվող կամավոր վերադարձ), սակայն դեպքերի մեծամասնությունում այս գործընթացն իրականացվում է դանդաղ, իսկ որոշ դեպքերում անարդյունք: Հաշվի առնելով վերոնշյալը՝ առաջարկեցի

	<p>համագործակցություն ձևավորել ՄՄԿ-ի, ՄԱԿ ՓԳՀ-ի և անդամ պետությունների միջև նշված գործընթացն ավելի սահուն դարձնելու նպատակով, ինչը դրական արձագանք ստացավ:</p> <p>Համաժողովի ընթացքում ելույթս վերաբերել է ազգային անվտանգության ապահովմանը՝ առանց խաթարելու փախստականների պաշտպանության համակարգը: Ներկայացրել եմ Հայաստանում փախստականի կարգավիճակի որոշման գործընթացը, ինչպես նաև դրա շրջանակներում ազգային անվտանգության մարմինների դերը, վերջիններիս հետ համագործակցության շարունակական ամրապնդումն ու առավել արդյունավետ դարձնելը: Միաժամանակ որպես առաջարկ ներկայացրել եմ 1951թ-ի Ժնևի կոնվենցիան բարեփոխելու հնարավորության քննարկումը՝ հաշվի առնելով ժամանակակից մարտահրավերները, մասնավորապես «շարունակական տեղաշարժը» (onward movement) և «ապաստանի առևտրի» (asylum shopping) հետ կապված հարցերը: Առաջարկը աջակցություն ստացավ համաժողովի ներկա պետությունների ներկայացուցիչների, մասնավորապես Ուկրաինայի կողմից, սակայն որոշակի սկեպտիկ վերաբերմունքի արժանացավ ՄԱԿ ՓԳՀ-ի ներկայացուցիչների կողմից:</p>
8.	<p>Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.</p> <p>Հանդիպման ընթացքում որոշվեց պահպանել որակի նախաձեռնության գործունեությունը (հաշվի առնելով ՄԱԿ ՓԳՀ ներսում տեղի ունեցող կառուցվածքային և բյուջետային հատկացումների փոփոխությունները, որոնցով նախատեսվում էր կրճատել ծրագիրը, սակայն այդ թվում նաև հայկական կողմի պնդումների արդյունքում հաջողվեց պահպանել ծրագիրը), սակայն որոշակիորեն փոխել միջոցառումների ձևաչափը: Հայկական կողմն առաջարկեց ձևավորել թեմատիկ պլատֆորմներ ապաստանին առնչվող յուրաքանչյուր թեմայի մասով: ՄԱԿ ՓԳՀ-ի ներկայացուցիչները հետագա մասնավոր զրոյցներում առաջարկեցին ազգային անվտանգությանն առնչվող թեմատիկ պլատֆորմն անցկացնել Երևանում: Նշվեց, որ հարցը հետագայում կքննարկվի:</p>
9.	<p>Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.</p> <p>Երևանում ազգային անվտանգությանն առնչվող թեմատիկ պլատֆորմի անցկացման վերաբերյալ հետագա քննարկումներ կանցկացվեն ՄԱԿ ՓԳՀ-ի երևանյան գրասենյակի հետ: Հայկական կողմը (Միգրացիոն ծառայությունը) կարող է կազմել միջոցառման բովանդակային մասը, իսկ ՄԱԿ ՖԳՀ երևանյան ներկայացուցչությունը կարող է կատարել կազմակերպչական և ֆինանսական ներդրումը:</p>

10.	Ստորագրություն, ամսաթիվ:	 18.03.2019
-----	--------------------------	---